

lectica et noctibus fere eaque lenta ac minuta faciebat,
ut Praeneste uel Tibur biduo procederet; ac si quo
peruenire mari posset, potius nauigabat. uerum tantam ²
infirmitatem magna cura tuebatur, in primis lauandi
⁵ raritate; unguebatur enim saepius aut sudabat ad flam-
mam, deinde perfundebatur egelida aqua uel sole multo
tepefacta. at quotiens neruorum causa marinis Albulis-
que calidis utendum esset, contentus hoc erat ut in-
sidens ligneo solio, quod ipse Hispanico uerbo duretam
¹⁰ uocabat, manus ac pedes alternis iactaret

Exercitationes campestres equorum et armorum ⁸³
statim post ciuilia bella omisit et ad pilam primo
folliculumque transiit, mox nihil aliud quam uectabatur
et deambulabat, ita ut in extremis spatiis subsultim
¹⁵ decurreret ^t sestertio uel lodicula inuolutus. animi la-
xandi causa modo piscabatur hamo, modo talis aut
ocellatis nucibusque ludebat cum pueris minutis, quos
facie et garrulitate amabilis undique conquirebat, prae-
cipue Mauros et Syros. nam pumilos atque distortos
²⁰ et omnis generis eiusdem ut ludibria naturae malique
ominis abhorrebat.

Eloquentiam studiaque liberalia ab aetate prima ⁸⁴
et cupide et laboriosissime exercuit. Mutinensi bello in
tanta mole rerum et legisse et scripsisse et declamasce
²⁵ cotidie traditur. nam deinceps neque in senatu neque
apud populum neque apud milites locutus est umquam
nisi meditata et composita oratione, quamuis non defi-
ceretur ad subita extemporali facultate. ac ne pericu-
² lum memoriae adiret aut in ediscendo tempus absu-
³⁰ meret, instituit recitare omnia. sermones quoque cum
singulis atque etiam cum Liuia sua grauiores non nisi

² tibur *T*, tiburi *rel.* (*inde in* biduo *Oud.*) ⁴ in *om.*
MGVL ⁷ at] aut *Roth* calidis albulisque *Torr.* ¹² pi-
lam] primam *M* ¹⁵ segestro *Cuiacius*, segestria *Roth*
¹⁸ facie *T*, facile *rel.* ¹⁹ amabilis *MGVQ¹*, -es *rel.* ²⁷ deficeret *X* ²⁹ absumeret *S²5.*
assumeret (*ads-* *VPS¹*) *rel.* (*Ω*)

scriptos et e libello habebat, ne plus minusue loqueretur ex tempore. pronuntiabat dulci et proprio quodam oris sono dabatque assidue phonasco operam; sed nonnumquam infirmatis faucibus paeconis uoce ad populum contionatus est.

85 Multa uarii generis prosa oratione composuit, ex quibus nonnulla in coetu familiarium uelut in auditorio recitauit, sicut rescripta Bruto de Catone, quae uolumina cum iam senior ex magna parte legisset, fatigatus Tiberio tradidit perlegenda; item hortationes ad philosophiam, et aliqua de uita sua, quam tredecim libris Cantabrico tenuis bello nec ultra exposuit. poetica summatim attigit. unus liber extat scriptus ab eo hexametris uersibus, cuius et argumentum et titulus est Sicilia; extat alter aequa modicus epigramma- tum, quae fere tempore balinei meditabatur. nam tragediam magno impetu exorsus, non succedenti stilo, aboleuit quaerentibusque amicis, quidnam Ajax ageret, respondit Aiacem suum in spongiam incubuisse.

86 Genus eloquendi securtus est elegans et temperatum uitatis sententiarum ineptiis atque concinnitate et reconditorum uerborum, ut ipse dicit, fetoribus; praecipuamque curam duxit sensum animi quam aperi- tissime exprimere. quod quo facilius efficeret aut nec ubi lectorem uel auditorem obturbaret ac moraretur, neque praepositiones urbibus addere neque coniunctiones saepius iterare dubitauit, quae detractae afferunt aliquid obscuritatis, etsi gratiam augent. cacozelos et anti- quarios, ut diuerso genere uitiosos, pari fastidio spreuit exagitabatque nonnumquam; in primis Maecenatem suum, cuius myrobrechis, ut ait, cincinnos usque quaque persequitur et imitando per iocum irridet. sed nec Tiberio parcit et exoletas interdum et reconditas

¹ scriptos ς , scriptis Ω , in scriptis ς , de scripto *Modd.*
³ phonasco *M^T*, -nusco *G* ¹² poeticam *PQ* ¹⁶ balnei
M²XII ¹⁷ succidente *PQ* ²⁶ ubibus *G*, uerbis *L³T ς*
³³ ut exol. *Bentl.*

uoces aucupanti. M. quidem Antonium ut insanum increpat, quasi ea scribentem, quae mirentur potius homines quam intellegant; deinde ludens malum et inconsans in eligendo genere dicendi ingenium eius, addit
6 haec: tuque dubitas, Cimberne Annius an Vera- 8
nius Flaccus imitandi sint tibi, ita ut uerbis,
quae Crispus Sallustius excerptis ex Originibus
Catonis, utaris? an potius Asiaticorum oratorum inani[bus] sententiis uerborum uolubili-
10 tas in nostrum sermonem transferenda? et quadam epistula Agrippinae neptis ingenium conlaudans:
sed opus est, inquit, dare te operam, ne moleste
scribas et loquaris.

Cotidiano sermone quaedam frequentius et nota- 87
26 biliter usurpasse eum, litterae ipsius autographae ostentant, in quibus identidem, cum aliquos numquam soluturos significare uult, ad K(a)l(endas) Graecas soluturos ait; et cum hortatur ferenda esse praesentia,
28 qualiacumque sint: contenti simus hoc Catone; et
20 ad exprimiendam festinatae rei uelocitatem: celerius
quam asparagi cocuntur. ponit assidue et pro stulto
baceolum apud pullum pulleiaceum et pro cerrito
uacerrosum et uapide se habere pro male et beti-
zare pro languere, quod uulgo lachanizare dicitur;
25 item simus pro sumus et domos genetiuo casu singulari pro domuos. nec umquam aliter haec duo, ne quis mendam magis quam consuetudinem putet.

Notauit et in chirographo eius illa praecipue: non 3
diuidit uerba nec ab extrema parte uersuum abundantis

4 ingenium T', om. rel., iudicium Bentl. recte puto 5 an]
ac Bentl. fort. recte, aut F. A. Wolf Verrius Beroald., Granius
Casaub. 9 inanis I. F. Gron. 12 sed] et M 19 sumus
MGL¹P¹ 22 baculum Erasm. apud pullum] et pro pullo
S5 (uulg.), aut pullum (et tum gallinaceum) Bentl., ut pullum
Roth, caput aut pullum Becker pullaceum ed. Ald. 1516 al.
24 quod — dicitur del. Polak 25 domuos Ritschl 26 domus
T (edd.) 29 diuidit P¹S¹T₅, diuidit et T, diuidite rel.

litteras in alterum transfert, sed ibidem statim subicit
 88 circumducitque. orthographiam, id est formulam rationemque scribendi a grammaticis institutam, non adeo custodi*[i]t* ac uidetur eorum potius sequi opinionem, qui perinde scribendum ac loquamus existiment. nam 5 quod saepe non litteras modo sed syllabas aut permuat aut praeterit, communis hominum error est. nec ego id notarem, nisi mihi mirum uideretur tradidisse aliquos, legato eum consulari successórem dedisse ut rudi et indocto, cuius manu ixi pro ipsi scriptum anim- 10 aduerterit. quotiens autem per notas scribit, B pro A, C pro B ac deinceps eadem ratione sequentis litteras ponit; pro X autem duplex A.

89 Ne Graecarum quidem disciplinarum leuiore studio tenebatur. in quibus et ipsis praestabat largiter magistro dicendi usus Apollodoro Pergameno, quem iam grandem natu Apolloniam quoque secum ab urbe iuuenis adhuc eduxerat, deinde eruditione etiam uaria repletus [s]per Arei philosophi filiorumque eius Dionysi et Nicanoris contubernium; non tamen ut aut loqueretur expedita aut componere aliquid auderet; nam et si quid res exigeret, Latine formabat uertendumque alii dabat. sed plane poematum quoque non imperitus, delectabatur etiam comoedia ueteri et saepe eam exhibuit spectaculis publicis. In euoluendis utriusque linguae auctori- 25 bus nihil aequa sectabatur, quam praecepta et exempla publice uel priuatum salubria, eaque ad uerbum excerpta aut ad domesticos aut ad exercituum prouinciarumque rectores aut ad urbis magistratus plerumque mittebat, prout quique monitione indigerent. etiam 30 libros totos et senatui recitauit et populo notos per

4 custodit *Q5* 7 praeterit *MGV* 12 C. pro hac *M*
 19 sperarei *MGV*, *om. X*, *corr. Salm.* 20 contubernium
 (contintib- *V*) *MVL*¹, contubernio *II R* init post contub.
 add. *X* 22 dabat, sed plane. *disting. Bentl.* 28 exercitum
 codd. *praeter GNL*³